

stello mai se trovava dormendo, et giera l' hora di suo scampo, pensando che venitiani mai non fesse tradimento, e simelmente i vardiani del castello. Ma quelli che trasseno fono i fanti de quelli bombardieri; e quelli che jera de la vardia si dormiva in quella, pensando che venitiani non faria mai tradimento; e, se non fosse alhora dormendo, abiando le galie uxado quello i hano fato, non saria scapolado niuno e roto e frachassado tutto. Ma per quanto aspetta al devedamento del biscoto, non prociede de la nostra Signoria, nè de nostro armirajo, nè anche nesuno dei governadori de Alexandria; ma in quel tempo giera tempo de morbo, e perhò nesuno de le galie non poteva venir in terra per paura de la giandusa; ma quando mor qualcheuno de le galie non se pol portar in terra; e questo si è stà volontà de Dio, non de la volontà nostra nè de nisuno; e tutte lamentazion che fo fatte davanti el doxe, dia esser inside de là via e di tradimenti, et hanno ditto le buxie prosontiosamente. E sono andadi in desconzamento de le bone uxanze: per antigamente de molti anni, passado la muda, li bazarioti, zoè marchadanti, comprano per valuta de ducati 30 milia in 40 milia; ma i patroni hanno devedado non se venda nè compra. A fato la crida el capetanio, che, in pena de la forcha, non se venda nè compra; e tutte queste cosse hanno fatto el capitanio, e lui fo causa de questo vastamento e fatto questo schandolo. E non se trova mai che sia sequido per el tempo pasado anno nesuno in nesuna terra de mori simel caxo; e l' è justo che cui à fato tal cosse, che el doxe debba chastigarlo et bandizarlo de la sua senoria, perchè tutti questi schandoli prociede dal conzamento. E per tanto el ditto capitanio s' è venuto davanti el doxe, e à dito le boxie per paura de quello l' à fato. Ma de le cosse za mentoadate del piper, se hanno lamentado del grande priexio di piper. Questo non se à fatto scosamente; ma lui scrisse sopra: i marchadanti me n' è caxone. E cussì havemo scritto ancor nui del costume dignissimo; e come i marchadanti non possa tuor piper del dachieri dignissimo, se no a contadi, avanti che tojano piper de li marchadanti, secondo la uxanza in quello in el tempo di altri soldani pasadi, a hora si fano. I veniziani mentoadi vastano i marchadanti mori e tojano da l' loro el piper a contadi, e da nui i tojano el piper del dachieri nobelle a tempo et a barato di rame. I venitiani sono vollonteroxi de sbasar e danizar la nostra dachiera per suo meyoramento, e danizar la mia dachiera nobelle; e tutto quello proziede da la malizia de li venitiani marchadanti mentoadi maliziosi. Quando havemo in-

teso, l' loro danno de la charestia del piper è como el nostro, i marchadanti del dachieri à fato comandamento che i debano tuor el piper mentoado, havemo inteso como i se i tornano el piper del dachieri ne li magazeni nobelli, i non à volesto hobedir i nostri comandamenti de quello, à fato vella. E la nostra volontà jera de tornar el piper; e questo s' è stato causa del nostro mal voller. E questo se havesso fatto altre generation di franchi, che non sia venitiani, i havessimo ruinadi del mondo, nè mai nesuno non saria insido de le nostre man salvi; ma, per la gratia de Dio, mi son soficiente haver quello. Ma quando havemo cognosudo la verità, mentoadi che non son come zusti, che ne à desmostrado el tradimento, alhora havemo fatto comandamento che ne paga tutto quello debiamo haver. E si jerano i armirai desposti de non lassarli intrar in le nostre terre de' mori, e dimandar el danno de le cosse che à sbasade del beneficio de la dachiera nostra nobelle; secondo che l' loro merita. Ma molti armirai e ministratori et homeni da conto assai, li qualli sono venudi dimandando misericordia verso di l' loro, e compasion, e perdonarli; e cussì ho conzeduto la gratia, presente l' ambador mentoado, et mai nesuno de l' loro habbi despiazer. Haveva de 'putuon, in la presentia del doxe, che quando haverà sentudo de le cosse sequide de li marchadanti mentoadi, del lor partir senza licentia, che la sua signoria i havesse impondi secondo i suo meriti. Per la mutazion del parlamento l' à fatto, e la presentiom usada de le cosse, merita de esser messo el ferro al còllo e apichar il l' loro mazor sopra i albori de le galie; e quando haverò inteso tal justicia de i ditti malifattori, e cesserò de l' ira nostra nobilissima. Al presente, parechiè el vostro ambador, e mandatillo a le nostre Portè altissime; e che diga la generation veniziana hanno abudo despiazer de li canzelieri de la terra di Alexandria e marchadanti del dachieri la nobelle. E non dise quelli che i à fato de i tradimenti, che de le cosse che i hanno fatto mai non è stato uxanza in nel tempo pasado; e se dimandano consuetudine antiga, e l' loro sono quelli à fato el torto per la novità novamente fata, che i vollavano che queste cosse contenisse, e che andasse di longo. E questo non el vojo far mai, perchè el nostro tribunal dignissimo non vol desconzar el governo pasado de la signoria mòrescha. Ma el piper mentoado dixese che xe stà a requisition del signor soldan. Queste xe cosse non in ascoso da voi, perchè tal cosse xe spazade per man dei signori e testimonij e scrivani e la poliza de li pexadori; e hanno